

TEKS UCAPAN Y.BHG. DATUK REKTOR

PROGRAM PERKHEMAHAN PERDANA MAHASISWA 2006 KUTKM  
KOLEJ UNIVERSITI TEKNIKAL KEBANGSAAN MALAYSIA (KUTKM)

TEMPAT:

PANTAI PENYABUNG  
MERSING, JOHOR

TARIKH :

25 NOVEMBER 2006

TEKS UCAPAN YBHG. REKTOR SEMPENA  
PROGRAM PERKHEMAHAN PERDANA MAHASISWA  
2006 KUTKM PADA 25 NOVEMBER 2006, JAM 3.20  
PETANG BERTEMPAT DI PANTAI PENYABUNG,  
MERSING, JOHOR

BISMILLAHIRRAHMANIRRAHIM

ASSALAMUALAIKUM WRB. WBKTH. DAN SALAM  
SEJAHTERA

Y.B. DATO' DR. ADHAM BIN BABA

SETIAUSAHA PARLIMEN KEMENTERIAN PENGAJIAN  
TINGGI MALAYSIA

Y.BHG. PROF. DR. ABU BIN ABDULLAH,

TIMBALAN REKTOR (AKADEMIK DAN  
PENGANTARABANGSAAN)

Y.BHG. DATUK PROF. MADYA DR. ABU BAKAR BIN  
MOHAMAD DIAH,

TIMBALAN REKTOR (PENYELIDIKAN &  
PENGKOMERSILAN / INOVASI)

Y.BHG DATO' PROF. DR. MOHD NOR BIN HUSAIN  
DEKAN HAL EHWAL PELAJAR

PEGAWAI-PEGAWAI KANAN UNIVERSITI,

AHLI-AHLI EXCO MAJLIS PERWAKILAN PELAJAR

SETERUSNYA PARA PELAJAR YANG SAYA HORMATI  
SEKALIAN,

PERTAMANYA MARILAH KITA MENGUCAPKAN  
SETINGGI-TINGGI KESYUKURAN KEPADA ALLAH

SWT KERANA DENGAN LIMPAH RAHMATNYA MAKA KITA DAPAT BERKUMPUL BERSAMA-SAMA PADA HARI INI BAGI MENGADAKAN MAJLIS PERASMIAN PERKHEMAHAN PERDANA MAHASISWA 2006 KUTKM INI.

SAYA MENGAMBIL KESEMPATAN INI UNTUK MERAKAMKAN RIBUAN TERIMA KASIH KEPADA YB DATO' DR ADHAM BIN BABA, SETIAUSAHA PARLIMEN, KEMENTERIAN PENGAJIAN TINGGI MALAYSIA KERANA SUDI HADIR DAN SETERUSNYA MERASMIKAN MAJLIS PADA HARI INI.

DI KUTKM INI KITA MEMPUNYAI SEBANYAK 30 BUAH KELAB DAN PERSATUAN. IA TERDIRI DARIPADA PELBAGAI KATEGORI IAITU ANTARANYA PERSATUAN FAKULTI, KEAGAMAAN, SOSIAL, KEUSAHAWANAN, SUKAN DAN SEBAGAINYA. KEAHLIAN KELAB-KELAB INI ADALAH MENYELURUH DENGAN MAJLIS PERWAKILAN PELAJAR

MERUPAKAN INDUK KEPADA PERSATUAN-PERSATUAN INI.

DI PERINGKAT FAKULTI WUJUDNYA PERSATUAN MEREKA SENDIRI, MISALNYA PERSATUAN MAHASISWA TEKNOLOGI MAKLUMAT DAN KOMUNIKASI (FICT'S), PERSATUAN PELAJAR FAKULTI KEJURUTERAAN MEKANIKAL (FaMESA), PERSATUAN MAHASISWA FAKULTI KEJURUTERAAN ELEKTRIK DAN KEJURUTERAAN KOMPUTER (ECESS), KELAB IEE (INSTITUTION OF ELECTRICAL ELECTRONIC ENGINEERS) DAN PERSATUAN MAHASISWA KEJURUTERAAN PEMBUATAN (SME).

TERDAPAT JUGA PERSATUAN YANG DITUBUHKAN ATAS DASAR DAN MINAT YANG SAMA MISALNYA KELAB DEBAT DAN PIDATO, KELAB BADAN DAKWAH DAN KEROHANIAN (BADAR), PERSATUAN SILAT CEKAK HANAFI, KELAB KAUNSELING DAN KERJAYA,

KELAB PERPADUAN, KELAB NASYID, KELAB CATUR, KELAB BADMINTON DAN SEBAGAINYA.

PELBAGAI AKTIVITI TELAH DIATUR UNTUK MANFAAT AHLI-AHLI KELAB DAN PERSATUAN. PIHAK UNIVERSITI TIDAK PERNAH MENGHALANG PENUBUHAN KELAB DAN PERSATUAN PELAJAR, MALAH MENGGALAKKAN PENUBUHAN DAN AKTIVITI YANG DILAKUKAN. INI KERANA, KITA SEDAR BAHAWA PENGLIBATAN PELAJAR DALAM AKTIVITI KELAB DAN PERSATUAN MAMPU MEMBENTUK MAHASISWA YANG TIDAK SAHAJA CEMERLANG DALAM BIDANG AKADEMIK TETAPI JUGA DAPAT MEMBENTUK MAHASISWA YANG MEMPUNYAI SAHSIAH DAN JATI DIRI YANG BAIK.

HADIRIN DAN HADIRAT YANG DIHORMATI

AKTIVITI-AKTIVITI YANG DIANJURKAN OLEH KELAB DAN PERSATUAN DAPAT MENGELAKKAN MAHASISWA DARIPADA MEMBUANG MASA MELAKUKAN PERKARA YANG TIDAK BERFAEDAH. PENGLIBATAN MAHASISWA DENGAN KELAB DAN PERSATUAN AKAN DAPAT MENINGKATKAN KREATIVITI, KETAHANAN MENTAL DAN FIZIKAL. SELAIN ITU IA DAPAT MENDEDAHKAN MEREKA AKAN KEPENTINGAN ASPEK KOMUNIKASI, KERJASAMA, PERPADUAN DAN SEMANGAT KERJA BERPASUKAN. INILAH YANG DINAMAKAN PENINGKATAN *SOFT SKILL* ATAU PEMBANGUNAN INSANIAH MAHASISWA.

SEMUA PERKARA INI PERLU DIPUPUK KEPADA MAHASISWA-MAHASISWI KUTKM SEBELUM MEREKA BERGRADUAN LAGI. INI KERANA, SELEPAS TAMAT PENGAJIAN NANTI ANDA AKAN MELALUI DAN MENEMPOHI ALAM PEKERJAAN DI SAMPING TERLIBAT SECARA LANGSUNG DENGAN

KEHIDUPAN BERMASYARAKAT. SEBAGAI SEORANG YANG MEMPUNYAI PENDIDIKAN TINGGI, MAJIKAN DAN MASYARAKAT MENARUH HARAPAN DAN KEPERCAYAAN AGAR ANDA MENGEMUDI AKTIVITI- AKTIVITI PERSATUAN SAMA ADA YANG BERCORAK KEAGAMAAN, KEMASYARAKATAN, POLITIK DAN SEBAGAINYA.

SAYA PERCAYA TANPA PENDEDAHAN AWAL DI PERINGKAT UNIVERSITI LAGI, ANDA MUNGKIN AKAN MENGHADAPI MASALAH BAGI MENJAYAKAN AKTIVITI PERSATUAN ITU NANTI. SAYA BERHARAP MAHASISWA KUTKM MAMPU MENJADI INDIVIDU PENTING YANG DIBERI KEPERCAYAAN OLEH MASYARAKAT BAGI MENJAYAKAN MANA-MANA PERSATUAN. INI AKAN MEMBAWA IMPAK BESAR TIDAK SAHAJA PANDANGAN MASYARAKAT TERHADAP DIRI ANDA TETAPI JUGA UNIVERSITI SERTA SEMUA LEPASAN IPT DI SELURUH NEGARA.

HADIRIN DAN HADIRAT YANG DIHORMATI

ADALAH SESUATU YANG MERUGIKAN SEKIRANYA MAHASISWA YANG DILAHIRKAN PADA PERINGKAT IPT TIDAK MEMPUNYAI KECENDERUNGAN UNTUK BERKHIDMAT ATAU TERLIBAT DALAM AKTIVITI BERPASUKAN. SEBAGAI SEORANG PROFESIONAL DALAM BIDANG KEJURUTERAAN ATAU KOMPUTER, SEKURANG-KURANGNYA ANDA PERLU MENYERTAI MANA-MANA BADAN PROFESIONAL ATAU PERSATUAN KEJURUTERAAN ATAU KOMPUTER DI PERINGKAT NEGARA. DENGAN CARA INI PROFESION ANDA AKAN DIIKTIRAF.

APABILA KITA MENYERTAI PERSATUAN, KITA BERHAK UNTUK MENYAMPAIKAN PANDANGAN DAN PENDAPAT BAGI MEMAJUKAN PERSATUAN, MASYARAKAT DAN NEGARA. TIDAK ADA GUNANYA KITA MEMPUNYAI IDEA YANG BAIK TETAPI TIDAK DAPAT DISALURKAN KERANA KITA TIDAK

MEMPUNYAI BADAN, KELAB ATAU PERSATUAN YANG DAPAT MENYAMPAIKAN PANDANGAN KITA.

SAYA AMAT MENARUH HARAPAN AGAR PADA SUATU HARI NANTI MAHASISWA KUTKM AKAN MENJADI TOKOH YANG TERKENAL DALAM PERSATUAN-PERSATUAN PROFESIONAL ATAU BADAN BUKAN KERAJAAN. PANDANGAN DAN PENDAPATNYA SENTIASA DIBERI PERHATIAN TERUTAMANYA DALAM MELAKSANAKAN POLISI NEGARA DEMI PEMBANGUNAN DAN KESEJAHTERAAN MASYARAKAT.

PERKARA INI TIDAK MUSTAHIL BERLAKU SEKIRANYA KITA TELAH BERANI UNTUK MELONTARKAN PANDANGAN DAN PENDAPAT SEMASA MENJADI AHLI ATAU JAWATANKUASA PERSATUAN DAN KELAB SEMASA BERADA DI UNIVERSITI LAGI. APA YANG PENTING IALAH ANDA PERLU BERANI DAN IKHLAS MELAKSANAKAN

AKTIVITI KELAB DAN PERSATUAN YANG BERFAEDAH KEPADA UNIVERSITI.

OLEH ITU, SAYA MENYERU KEPADA SEMUA PESERTA HARI INI AGAR DAPAT MEMANFAATKAN KESEMPATAN PADA PROGRAM INI UNTUK MERANCANG AKTIVITI-AKTIVITI YANG MEMBERI FAEDAH KEPADA AHLI. WUJUDKAN *NET WORKING* DAN BENTUK KERJASAMA YANG ERAT TIDAK SAHAJA DI KALANGAN AHLI-AHLI KELAB TETAPI JUGA DENGAN PERSATUAN LAIN SUPAYA AKTIVITI YANG BAKAL DILAKSANAKAN LEBIH DINAMIK DAN MENDAPAT SOKONGAN SEMUA MAHASISWA KUTKM.

HADIRIN DAN HADIRAT YANG DIHORMATI

PROGRAM YANG BERLANGSUNG SELAMA 3 (TIGA) HARI INI AKAN MENDEDAHKAN MAHASISWA

DENGAN PELBAGAI AKTIVITI, IAITU ANTARANYA IALAH AKTIVITI GOTONG-ROYONG MEMASAK DAN MEMBERSIH KAWASAN DENGAN PENDUDUK SETEMPAT. SELAIN DARIPADA ITU DIADAKAN JUGA AKTIVITI KHIDMAT KOMUNITI DENGAN MENGADAKAN KELAS KOMPUTER DAN CERAMAH KERJAYA KEPADA PENDUDUK DI SINI.

AKTIVITI-AKTIVITI AKAN MELATIH MAHASISWA KUTKM SUPAYA DAPAT MENANAMKAN SEMANGAT KEKITAAN SESAMA MASYARAKAT SETEMPAT. KITA PERLU INGAT BAHAWA DI MANA JUA KITA BERADA, ADALAH PERLU KEPADA KITA UNTUK SENTIASA MENGHORMATI MASYARAKAT SEKELILINGNYA SERTA MAMPU MENGAMBIL HATI MEREKA DENGAN MENUNJUKKAN BUDI PEKERTI YANG MULIA.

SELAIN ITU, KITA JUGA PERLU SANGGUP UNTUK MENGHULURKAN BANTUAN TENAGA, KEPAKARAN DAN KEWANGAN SUPAYA DAPAT MEMBANTU

MASYARAKAT. SEPERTI YANG SAYA KATAKAN TADI, BAHAWA SEBAGAI SEORANG YANG TERPELAJAR, ANDA AKAN MENJADI HARAPAN MASYARAKAT UNTUK MENGGERAKKAN AKTIVITI-AKTIVITI YANG MEMBERI FAEDAH KEPADA MEREKA.

AKHIR KATA SAYA MERAKAMKAN UCAPAN TAHNIAH DAN SYABAS KEPADA PEJABAT HAL EHWAL PELAJAR DAN ALUMNI SERTA MAJLIS PERWAKILAN PELAJAR KERANA TELAH BERJAYA MENGUMPULKAN KEPIMPINAN KELAB DAN PERSATUAN KUTKM SERAMAI 500 ORANG INI. SEMUA PESERTA PERKHEMAHAN PERDANA MAHASISWA KUTKM 2006 INI PERLU MENANAMKAN KEYAKINAN DAN KEBOLEHAN DIRI UNTUK MENINGKATKAN KETAHANAN MENTAL DAN FIZIKAL DAN SEMOGA PROGRAM INI BERJAYA MENCAPAI OBJEKTIFNYA.

SEKIAN. WABILLAHIL TAUFIK WALHIDAYAH  
WASSALAMUALAIKUM WBT.

TERIMA KASIH.